

HITZ BITAN

EUSKARA. Hizkuntza goraipatzeko lanarengatik

Jose Mari Satrustegik jasoko du aurten Euskalerrria Irratia Elkartearen Larreko saria

Erredakzioa | IRUÑEA

Jose Mari Satrustegi euskaltzain eta ikertzaileak jasoko du 2002ko Larreko saria, hau da, euskararen alde egindako lana omentzeko Euskalerrria Irratia Elkarteak urtero antolatzen duen saria.

Satrustegiren merezimen-
duen artean egungo euskaldu-
non belaunaldiaren erreferen-
tzia izatea, haren lan akademi-
koak, argitalpenak eta abar
nabarmendu ditu elkarteak;
oroz gaindi, «euskaldun jende-
ak hizkuntzagatik lotsa bazter
uzteko, eta gizarte modernoak
ere pozez erabil lezakeen hiz-
kuntza euskara dela sinestara-
zteko berebiziko garrantzia»
eduki izana gailendu dute.

Larreko sariaren aurreko ira-
bazleen artean daude, besteak
beste, mendialdeko alkateak,
iaz, eta Inozentzio Aierbe San
Migeleko kaperaua, Iñaki Peru-
rena, Javier Cunchillos, Jorge
Cortes Izal, Sagrario Aleman
edota Irulegi Irratia.

Iruñerriko euskaltzaleen ordezkari

Aurtengo sariduna aukeratzeko
bilera joan den martxoaren
26an egin zen, Zaldiko Maldiko
Elkartean. Han izan ziren, or-
dezkatuta, euskara udal tekni-
kariak, Oinarriak, Karrikiri El-
kartea, EGUNKARIA, Euskaltzain-
dia eta Euskalerrria Irratia bera.

Hainbat proposamen mahai-
ganean, Jose Mari Satrustegi-
rena hautatu zen azkenean.



JOXE LACALLE

Martxoaren 26an jasoko du saria Jose Mari Satrustegik.

Saria martxoaren 26an Ata-
rriabiako Paz de Ziganda Ikasto-
la elkarteak antolatu duen afa-
rian jasoko du Satrustegik. Es-
kuz landutako makila emango
zaio orduan.

Jose Mari Satrustegi Arrua-
zun jaioa da, eta Pedro Diez de
Ulzurruneekin batera euskara-
ren alde hainbat ekimen bultza-
tu zituen Nafarroako Diputazio-
aren babesean 60ko urteetan.

1969an *Fontes Linguae Vasco-*
num aldizkaria sortu zuen, eta
hamaika lan argitaratu ditu an-
tropologia, etnografia eta hiz-
kuntzalaritzaz. Euskaltzaindiko
idazkaria izana da.

ENERGIA

Garoiako zentralak izan dituen akatsen azalpena emateko eskatu dio EB-IUK zentralako zuzendariari

Arabako Ezker Batuak Garoiako zentral nuklearrak funtziona-
menduan izan dituen akatsak di-
rela-eta azalpenak eskatu dizkio
zentralaren zuzendariari. Ezker
Batuaren arabera, martxoaren 4,
13 eta 26an geldialdi automati-
koak gertatu ziren zentrallean.
Jose Vicente Cos Ezker Batuko
kidearen iritziz, «segurtasuna
bermatuko duena haren itxiera
izango da». Zentrala zabaldu ze-
netik gertatu diren hausturekin
«kezkatuta» agertu da Ezker Ba-
tua.



JUAN CARLOS RUIZ / ARGAZKI PRESS

HEZKUNTZA

Haurrei zuzendutako webgunea jarri du martxan Elhuyarrek

Elhuyarrek *ZerNola.net* webgunea jarri du martxan, 8 eta 12 urte
bitarteko haurrei zuzenduta. Nagusiki, zientziaren inguruko
gaiak aurki daitezke, «era atsegin eta erakargarrian emanda». Biologiaren inguruko bitxikeriak, etxean egiteko esperimen-
tuak, jokoak, eta eskolako lanak egiteko lagungarri izan daitez-
keen hainbat gairen inguruko azalpenak ere jaso daitezke. Web-
guneak hainbat atal ditu, eta bilaketak egiteko modua ere badu.

ELKARTASUNA

Palestina Estatu gisa ezagutzen du Eusko Legebiltzarrak onartutako testuak

Eusko Legebiltzarrak Palestina Estatu gisa ezagutzen duen tes-
tua onartu du. EAJ, EA, EB-IU eta PSE-EE alderdien botoekin
onartu dute testua. Kontra bozkatu du PPK, eta Batasuneko ki-
deak abstenitu egin dira. Giza eskubideen urraketak salatu di-
tuzte testuan. Halaber, edozein arazoren irtenbide gisa indarke-
ria erabiltzea gaitzetsi dute. Elkarriketa eta negoziazio bidezko
konponbidearen alde egin dute. Palestinako herriari elkartasu-
na adierazi eta Ariel Sharoni Zisjordania eta Gazatik alde egite-
ko eskatu diote. Bestalde, 30 lagun elkartu ziren Legebiltzarra-
ren aurrean Arabako sindikatuen deiari erantzunez. Palestina-
ren aurkako erasoak eteteko eskatu dute, *Israelen erasoak gelditu*
lemapean.



CRISTINA ABADIA / EFE

UNIBERTSITATEA

Joseph D. Novak irakaslea Nafarroako Unibertsitate Publikoko 'honoris causa' doktore izendatu dute

Nafarroako Unibertsitate Publikoak atzo egindako ekitaldian Jo-
seph D. Novak Cornelleko (New York) unibertsitateko irakaslea
izendatu zuen *honoris causa* doktore. Egun, irakaskuntza eta ikas-
ketak hobetzeko proiektu bat zuzentzen ari da. Ekitaldian Zara-
gozako unibertsitateari urrezko domina eskaini diote. Bestalde,
urrezko bereizgarriak eman dizkiete NUPeko lehenengo hiru
errektoreei: Pedro Burillo, Alberto Gonzalez Guerrero eta Juan
Garcia Blasco.

UDALBILTZA

«Euskal Herria hobeto ezagutzeko» liburuxkak banatuko ditu Udalbiltzako zuzendaritza taldeak

Udalbiltzako zuzendaritzak *Euskal Herria ezagutzen* izenburuko
1.100.000 liburuxka banatuko ditu etxebizitzetan, «hiritarrek
Euskal Herria osatzen duten zazpi herrialdeak hobeto ezagutze-
ko». Jose Mari Agirre Udalbiltzako zuzendaritzako kideak adiera-
zi duenez, «Euskal Herriko demografia, ekonomia, gizarte eta
euskararen garapenaren berri jasotzen da». Ildo horretan, Euskal
Herrian 1851. urtean 160.000 hiritar izatetik 3 milioi izatera igaro
dela jakinarazi zuen. Euskararen egoerari dagokionez, lurraldeen
artearen desberdintasun handiak daudela gehitu zuen. Bestalde,
EAEn industriak gora egin duen heinean, Iparraldean nekazari-
tzak garrantzi handia izaten jarraitzen duela esan du.

Salbatore Mitxelena Ikastolako Lan Poltsa

Datozen 4 urtetarako ondo- ren lanpostuetarako deial- dia luzatzen dugu:

- H.H., L.H. eta D.B.H. osorako,
heziketa berezia (irakasle nahiz lagun-
tzaille) eta espezialistak (ingeles,
soinketa nahiz erlijioan).
- Administrazioako pertsonala, man-
tenu arduraduna eta garbitasunerako.

Curriculumean aipatzen diren titulazio
eta gainontzekoak agiriaren bidez au-
rkeztea ezinbestekotzat jotzen da
kontuan hartu ahal izateko.

EGA derrigorrezkoa irakasle nahiz
administrazioarako. Besteei euskara
menperatzea eskatuko zaie.

Epea: Maiatzaren 4a arte.

Helbidea: SALBATORE
MITXELENA IKASTOLA
Maria Etxe-txiki kalea, 14
20800 Zarautz